

Landesbibliothek Oldenburg

Digitalisierung von Drucken

**Sebastiani Castellionis Sacrorvm Dialogorum Libri
Qvatvor, Qvos Postremo Ipse Recognovit: Argvmenta
Singvlis Dialogis Praeposvit, Et Sententias Svbiecit ...**

Châteillon, Sébastien

Francofurti, 1761

VD18 12886300

Rachaba.

urn:nbn:de:gbv:45:1-18303

armatique ad bellum, quotquot potestis ferre arma, Jova despectante, Jordanem transmittetis, non redituri nisi deturbatis a Iova hostibus, terraque subdita Jovæ imperio: si inquam, agetis, revenietis postea purgati & Jovæ & Israelitis: atque hac quidem lege possidetote terram, Jova volente. Sin hæc non feceritis, sic habetote, vos peccare in Jovam, vestrumque peccatum in vós recasurum.

SENTENTIA.

Quibus jam prospectum est, ii debent cæteros, quibus nondum prospectum, adjuvare.

RACHABA. | Jovæ 2.

ARGUMENTVM.

Rachaba meretrix abditos apud se exploratores Israelitarum clam dimittit per fenestram, pacta cum eis de salute sua & suorum.

*Ministri Regis Hierichuntis, Rachaba.
Explorantes Hebræi.*

Rachaba, nos sumus huc missi a rege, ut abducamus homines eos, qui diverterunt ad te. Venerunt enim gratia explorandæ totius regionis: proinde vide, ut eos producas nobis. R. Ad me quidem venerunt homines quidam, qui cujates sint, me latet: a) ii, cum vespere clauderetur porta, exierunt, nec scio, quo se receperint. Si vobis consequi velociter, assequimini. Salva res est, abierunt. Nunc adeo hospites, quos oculi

a) Pia fraus aut factum potius extraordinarium.

in tecto sub fascibus lini, ut eos servem beneficio meo. Heus, heus hospites: dormitis? *E.* Non-dum. *R.* Attendite, quæ dicam. Non ignoro, Jovam dedisse vobis hanc terram: neque omnes incolas hujus terræ percussos vestri terrore abjecisse animos. ^{b)} Nimirum audivimus, ut exiccaverit Jova mare rubrum, quo vobis pateret iter abeuntibus ex Ægypto: utque tractaveritis duos Reges Amorrhæorum, qui trans Jordanem habitant. Schonem dico & Oggum, quos delevistis funditus. Quæ res ubi audita est, concidimus animis, nec jam quisquam est, qui audeat vel mutire in vos? propterea quod Jova Deus vester, Deus est tam supra in cælo, quam infra in terra. Quo circa jurate nunc mihi per Jovam, si ego vos demerita fuero meo beneficio, vos quoque parem gratiam relatueros domui meæ paternæ: & mihi date certum signum, quo consulatis saluti mei patris & matris, & fratrum & sororum, & omnium, quæ habent, asseretisque vitam nostram a morte. *E.* Fidem damus: nec recusamus mortem, (modo ne indicetis nos) cum Jova tradiderit nobis hanc regionem, ni vos bona fide conservaverimus. *R.* Ego hac lege demittam vos per funem per hanc fenestram, quæ prospicit rus. Recte est, evasistis. Nunc contendite in montes, ne incidatis in eos, qui vos persequuntur: & ibi, dum redeunt, latitate triduum. post ituri. *E.* Attende diligenter, quæ dicemus. Cum ingressi fuerimus hos fines, tu appendes funiculum istum rubrum

D 4

brum

^{b)} Ex præteritis conjiciendum est de futuris.

brum de hac fenestra, per quam nos demisisti: convocabisque ad te totam vestram familiam. Quod si quis e domo tua foras exierit, suo id periculo fecerit: nos aberimus a culpa. Quæ vero erunt apud te, eb si quis attigerit, nos præstabimus damnum. Quod si hanc rem palam feceris, erimus liberi a jurejurando, quo tu nos obstrinxisti. *R.* Placet conditio. *Valete. E.* Et tu.

SENTENTIA.

Pios adversus impiorum injuriam abscondere, piuum est: Et Deus hujusmodi officia remuneratur.

GABAONITAE. *Jos. 9.*

ARGUMENTVM.

Josua deceptus a Gabaonitis, foedus paciscitur cum eis.

Gabaonitarum Legati, Josua.

Adsunus huc e finibus remotis, Josua & Israelitæ, missi ad faciendum foedus vobiscum, si vobis ita videtur. *J.* Fortassis habitatis in finibus his: quod si est, non est nobis fas inire foedus vobiscum. *L.* Nos quidem parati sumus dedere nos in tuam potestatem. *J.* Cujates estis? & unde adestis? *L.* Adsumus ex terra admodum remota hinc, moti nomine Jovæ DEI vestri. Audivimus enim famam ejus & quanta facinora ediderit in Ægypto, utque ^{a)} acceperit duos Amorrhæos Reges Transjordanios, Sehonem Heseboniorum, & Oggum Bassanæ apud Astarota. Hac de causa mandaverunt nobis nostri Senato-

res,

^{a)} Tractaveris.